

Oh! Kucingku

» **Haiwan peliharaan comel, jinak, manja dan memberi aura**

Oleh Alzahrin Alias
zahrin@baharian.com.my

Semua tahu mengenai kucing, malah ramai antara kita yang menjadikannya sebagai haiwan peliharaan. Karakter dan sifatnya yang penyayang menyebabkan ramai yang menyayangi haiwan ini.

Bermula minggu ini, kolom Meowww diperkenalkan untuk menceritakan perihal kucing, seperti sifat dan jenis kucing, baka yang ada di dunia, tip penjagaan, mengenali penyakit yang sering menjangkiti kucing dan kesesuaian anda memelihara kucing berpandukan kepada persekitaran.

Bermula keluaran minggu hadapan, kolom kucing ini juga akan bersama dengan personaliti dan pemilik kucing untuk menyela kehidupan di sebalik menjaga haiwan penyayang ini.

Penjagaan kucing tidak sama bergantung kepada baka kucing itu dan juga jenis kediaman yang turut diambil kira dan menjadi faktor utama penjagaan kucing. Rasulullah SAW pernah menekankan di dalam beberapa hadisnya bahawa kucing tidak bernajis. Malah dibolehkan untuk berwuduk menggunakan air bekas minuman kucing.

Persoalannya, bagaimana Rasulullah mengetahui badan kucing tidak mempunyai najis dan mengatakan bahawa kucing

tidak menjadi najis kepada manusia? Jawapannya, kulit kucing mempunyai otot-otot yang berfungsi untuk melawan sel bakteria.

Otot kucing juga dapat menyesuaikan diri dengan sentuhan otot manusia dan jika diteliti pada permukaan lidah kucing pula dilapisi pelbagai benjolan kecil yang runcing, benjolan ini berbentuk bengkok mengucup seperti kikir atau geragai.

Bentuk ini sangat berguna untuk membersihkan kulit. Malah ketika kucing minum, tidak ada setitis pun air yang akan jatuh dari lidahnya.

Lidah kucing

Lidah kucing sendiri adalah alat pembersih yang paling canggih, permukaannya yang kasar boleh membuang bulu mati dan membersihkan bulu yang tersisa di badannya.

Pernah juga dilakukan pelbagai penyelidikan dengan mengambil sampel terhadap haiwan ini mengikut perbezaan baka, usia, struktur kulit, bahagian tapak kaki, mulut dan ekor.

Di samping itu, kuman juga diletakkan pada bahagian tertentu. Selain itu, cairan khusus (air liur) yang berada pada dinding dalam mulut dan lidahnya. Menariknya hasil uji kaji yang diambil dari kulit luar mendapati ia tidak mempunyai kuman, meskipun dilakukan berulang kali.

Tempat yang sengaja diletakkan kuman pula menunjukkan hasil negatif sekitar 80 peratus (20 peratus mempunyai kuman), jika dilihat dari air liurnya. Ini menunjukkan kucing dapat melawan kuman yang diberikan kepadanya dan mempunyai cairan yang diambil dari permukaan lidah juga menunjukkan ketidakhadiran kuman. Hanya sekali kuman dijumpai semasa proses penyediaan.

Kuman ini termasuk dalam kumpulan kuman biasa yang selalunya membiak dalam tubuh manusia dalam jumlah yang kecil seperti enterobacter, streptococcus dan staphylococcus. Kajian yang dilakukan juga tidak menemui jenis kuman yang beragat dan berbahaya. Pelbagai sumber yang dipercayai dan hasil penyelidikan makmal menyimpulkan kucing tidak mempunyai kuman dan mikro-bakteria.

Air liurnya bersih dan boleh membersihkan seluruh badannya. Jarang sekali ditemui kehadiran kuman pada lidah

kucing. Jika mempunyai kuman, itu menunjukkan kucing itu sedang sakit.

Difahamkan kucing mempunyai peranti pembersih yang dikenali sebagai lysozyme. Kucing biasanya memiliki berat badan antara dua, lima hingga tujuh kilogram dan jarang melebihi 10 kilogram, kecuali diberi makan berlebihan sehingga boleh mencapai berat badan 23 kilogram.

Semua kucing juga disahkan jalan berjenjak dan perlu diketahui jika kucing anda enggan makan atau gemar mendiamkan diri dan menyorok di tempat ter-

sorok, besar kemungkinan kucing anda tidak sihat, maka segeralah bawa berjumpa doktor.

Jika diperhatikan ketika salah sekor kucing makan, pasti sekor lagi kucing akan boleh menggiliran. Keadaan ini malah mengelakkan kucing lain datang merampas makanan.

Inilah kelebihan kucing yang menjadikannya sebagai haiwan penyayang dan sangat sesuai untuk dipelihara sebagai haiwan kesayangan. Malah jika dilatih, kucing anda akan mengikut peraturan dan berdisiplin dari segi makan dan juga membuang najisnya.



© 30 RUAJ

tulang belakang kucing, lima kali lebih banyak daripada manusia

© 230 JUMLAH

tulang kucing, 24 kali lebih banyak daripada manusia

© 185 DARJAH

keupayaan mata kucing berpusing

© 110-170 DENYUTAN

nadi kucing normal seminit

© 20-40 KALI

tempoh kucing bernafas seminit